

四庫全書

集部

欽定四庫全書

集部

玉臺新詠考異卷二

詳校官中書臣陸湘

助教<sub>臣</sub>常循覆勘

總校官編修臣王燕緒

校對官編修臣盧遂

謄錄監生臣曹方昇

欽定四庫全書

集部八

玉臺新詠考異

總集類

提要

臣等謹案玉臺新詠考異十卷

國朝紀容舒撰容舒有孫氏唐韻考已著錄是  
編因徐陵玉臺新詠自明代以來刊本不一  
非惟字句異同即所載諸詩亦復參差不一  
萬厯中張嗣修本多所增竄茅國縉本又併

其次第亂之而原書之本真益失惟寒山趙  
宦光所傳嘉定乙亥永嘉陳玉父本最為近  
古近時馮舒本據以校正差為清整然舒所  
校有宋刻本悞而堅執以為不悞者如張衡  
同聲歌訛恐慄為恐矜訛莞弱為苑弱之類  
亦以古字假借曲為之說既牽強而難通有  
宋刻不悞而反以為悞者如蘇武詩一首舊  
本無題而妄題為留別妻之類復偽妄而

無據又有宋刻已悞因所改而益悞者如塘  
上行據宋書樂志改為魏武帝之類全與原  
書相左彌失其真皆不可以為定故容舒是  
編參考諸書裒合各本倣韓文考異之例兩  
可者並存之不可通者闕之明人刊本雖於  
義可通而於古無徵者則附見之各箋其棄  
取之由附之句下引證頗為賅備他如塘上  
行之有四說劉勳妻詩之有三說蘇伯玉妻

詩誤作傳元吳興妖神詩誤作姣童徐悱詩  
悱作悱妻其妻詩又誤作悱梁武帝詩誤作  
古歌以及徐幹室思本為六首楊方合歡實  
共五篇與王融徐陵之獨書字昭明太子之  
不入選梁代帝王與諸臣並列之類考辨亦  
頗詳悉雖未必一一復徐陵之舊而較明人  
任臆竄亂之本則為有據之文矣乾隆四十  
五年七月恭校上

總纂官臣紀昀臣陸錫熊臣孫士毅

總校官臣陸費墀





玉臺新詠考異原序

六朝總集之存於今者文選及玉臺新詠耳文選盛行而玉臺新詠則在若隱若顯間其不亡者幸也自明以來無善本趙靈均之所刻馮默菴之所校悉以嘉定宋刻為鼻祖然觀所載陳玉父跋則傳馮蹠駁自宋已然跋又稱得石氏錄本補亡校脫然則竄亂舊本未必不始於斯時陳氏茲刻蓋亦功過參半矣崇禎癸酉距今百有餘載意其書已不存乾隆壬申忽於常熟門人家

得之紙墨完好歸然法物摩挲遠想如見古人然亦時  
時有訛字馮鈍吟云宋刻是麻沙本故不佳信矣乙亥  
六月余自雲南乞養歸檢點藏書多所散佚惟幸是本  
之僅存林居無事稍理舊業偶取閱之喜其去古未遠  
尚有典型終勝於明人臆改之本用參校諸書仿韓文  
考異之例各箋其棄取之由附之句下兩可者並存之  
不可通者闕之雖可通而於古無徵者則別附註之丹  
黃硃砂蓋四閱月乃粗定耗日力於綺羅脂粉之詞殊

為可惜然鄭衛之風聖人不廢苟心知其意溫柔敦厚  
之旨亦未嘗不見於斯焉乾隆丁丑二月廿一日河間  
紀容舒序



欽定四庫全書

玉臺新詠考異卷一

姚安府知府紀容舒撰

古詩八首

昭明選古詩十九首皆不著作者姓名劉勰文心雕龍曰古詩佳麗或稱枚叔

其孤竹一篇則傳毅之詞鍾惺詩品曰其外去者日以疎四十五首舊疑是建安中曹王所製客從遠方來橘柚垂花實亦為驚絕矣孝穆取枚叔之說而此八首不取傳毅曹王之說蓋年代縣遠傳聞異詞著書者各據所見故莫能畫一

上山采蘼蕪下山逢故夫長跪問故夫

長跪太平御覽作回首考文瑩

玉壺清話引此句證古婦新人復何如新人雖言好未  
人有跪禮則作回首為悞

若故人姝顏色類相似

此句藝文類聚作其色似相類

手爪不相如新

人從門入故人從閤去新人工織纈故人工織素織纈

日一疋織素五丈餘將纈來比素

藝文類聚閤情部全載此詩此句作持纈

將比素又素部引末二句此句作以纈持比素蓋屢經傳寫雖一書不免異文新人不如故

漂漂歲云暮蠅蚶多鳴悲

多文選作夕案夕字與下文獨宿累長夜相應似勝於多

字然何谿汶竹莊詩話載此詩亦作多字則宋本寔作多不作夕非緣後來誤刻既義可兩通即不必據彼改

此涼風率已厲遊子寒無衣錦衾遺洛浦同袍與我違獨

宿累長夜夢想見容輝良人惟古懽枉駕惠前綏願得  
長巧笑携手同車歸既來不須臾又不處重闌諒無晨  
風翼焉能凌風飛眇眇以適意引領遙相睇徙倚懷感  
傷垂涕霑雙扉

冉冉孤生竹結根太山阿與君為新婚菟絲附女蘿

菟文

選作兔宋刻則皆從艸按玉篇艸部菟字註菟絲草名則如艸尚非俗體又楚詞天問顧菟在腹字亦從艸則菟兔古字本通今仍從宋刻作菟後皆倣此菟絲生有時夫婦會有宜千里

遠結婚悠悠隔山陂思君令人老軒車來何遲傷彼蕙

蘭花含英揚光輝過時而不采將隨秋草萎君亮執高  
節賤妾亦何為

孟冬寒氣至北風何慘慄愁多知夜長仰觀衆星列三  
五明月滿四五蟾兔缺客從遠方來遺我一書札上言  
長相思下言久離別置書懷袖中三歲字不減一心抱  
區區懼君不識察

客從遠方來遺我一端綺相去萬餘里故人心尚爾文

采雙鴛鴦

文采太平御覽綺部引之作文作然鴛鴦部引之又作文綵蓋御覽刊本多訛不盡可據



裁為合歡被著以長相思緣以結不解以膠投漆中誰  
能離別此

四坐且莫誼願聽歌一言請說銅鑪器崔嵬象南山上

枝以松栢

以藝文類聚初學記並作似誤

下根據銅盤雕文各異類離

婁自相連誰能為此器公輸與魯班朱火然其中青煙

颺其間從風入君懷四坐莫不歎

歎藝文類聚作歎

香風難久

居空令蕙艸殘

初學記器用部收此篇題曰詠香爐蓋類書以意標目非其本題亦非其本旨

悲與親友別氣結不能言贈子以自愛道遠會見難人

生無幾時顛沛在其間念子棄我去新心有所歡結志  
青雲上何時復來還

穆穆清風至吹我羅裳裾青袍似春艸長條隨風舒

長條

句藝文類聚作  
艸長條風舒悞

朝登津梁山

吳顯令曰案下  
北柱山當作上

褰裳望所

思安得抱柱信皎日以為期

古樂府詩六首

日出東南隅照我秦氏樓秦氏有好女自名為羅敷

名

初學記  
作名

羅敷善蠶桑

善藝文類聚作喜樂府詩集作  
意並誤蠶初學記作采亦誤

采

桑城南隅青絲為籠系

系藝文類聚初學記並作紀

桂枝為籠鉤頭

上倭墮髻耳中明月珠綠綺為下裳

綠藝文類聚初學記樂府詩集俱作

細紫綺為上襦行者見羅敷下擔將髭須少年見羅敷

脫巾着幘頭

中樂府詩集作幘初學記作幘

耕者忘其耕鋤者忘其

鋤

初學記下耕字作犁上鋤字作刈

來歸相怨怒

怨初學記作喜悞

但坐觀羅

敷

樂府詩集此句下有一解二字宋刻刪之非是

使君從南來五馬立時踟使

君遣吏往問此誰家妹秦氏有好女自名為羅敷羅敷

年幾何二十尚未滿十五頗有餘使君謝羅敷寧可共

載不羅敷前致詞

致宋刻及樂府詩集後村詩話皆作置今從古樂府

使君一何

愚使君自有婦羅敷自有夫

下樂府詩集此句有二解二字

東方千餘

騎夫婿居上頭何用識夫婿白馬從驪駒青絲繫馬尾

黃金絡馬頭

絡宋刻作略誤今從樂府詩集

腰間鹿盧劍可直千萬餘

十五府小吏二十朝大夫三十侍中郎四十專城居為

人潔白皙鬢鬢頗有鬚

馮氏曰鬢鬢宋本作髭髭按髭字字書不載凡宋刻書髭字多

如此寫活本楊本作鬢鬢說文力兼切長貌按樂府詩集及古樂府皆作鬢鬢不但明人刊本宋刻顯屬舛

訛今改正

盈盈公府步冉冉府中趨坐中數千人皆言夫婿

殊

樂府詩集此句下有  
三解二字

日出東南隅行

宋刻凡題有綱目者皆以絕題居前而每篇之題係於末蓋古

書行款類然近本悉移於前是亦輕改之一端今仍依宋刻以存其舊後皆倣此

相逢狹路間道隘不容車如何兩少年

如何句樂府詩集作不知何年

少案梁簡文帝春情雜句詩有兩童夾車問不已句正用此典樂府詩集誤也

挾轂問君家

樂

府詩集古樂府並作夾

君家誠易知易知復難忘黃金為君門白

玉為君堂堂上置樽酒使作邯鄲倡

使作樂府詩集古樂府皆作作使

中庭生桂樹華鐙何煌煌兄弟兩三人中子侍中郎

侍

郎樂府詩集古樂  
府皆作為侍郎  
五日一來歸道上自生光黃金絡馬

頭絡宋刻作駱誤  
觀者滿路旁  
滿古樂  
府作盈  
入門時左顧但

見雙鴛鴦鴛鴦七十二羅列自成行音聲何囀囀鶴鳴

東西廂  
鶴字未詳然諸本  
並同無從校正  
大婦織羅綺  
羅綺太平御覽

府皆作  
綺羅  
中婦織流黃小婦無所作  
覽作太平御覽  
挾瑟上高

堂丈人且安坐  
安坐太平御覽  
作徐徐  
調絲未遽央  
未遽樂府詩

作方未義可兩存太平御覽  
作遽未則悞倒其文

相逢狹路間

天上何所有歷歷種白榆  
桂樹夾道生青龍對道隅  
鳳皇鳴啾啾一母將九雛  
顧視世間人為樂甚獨殊  
好婦出迎客顏色正敷愉  
伸腰再拜跪問客平安不請客北

堂上坐客檀羅綸清白各異尊  
酒上正華疏

此句未詳樂府詩集

酒上作酒止亦不可解

酌酒持與客客言主人持卻畧再拜跪然

後持一桮談笑未及竟左顧勅中厨促令辦麤飯慎莫

使稽留廢禮送客出

廢禮二字諸本並同然不可解當有譌誤

盈盈府中趨

送客亦不遠足不過門樞取婦得如此齊姜亦不如健

婦持門戶勝一大丈夫

末句古樂府作亦勝一丈夫樂府詩集作一丈夫則傳馮

誤之

隴西行

以漢魏樂府體例不一郊廟諸歌多依律以製詞相和諧歌則多採詩以入樂詩

或不能協律則增減其文以就之詩長而調短則或節其數句詩短而調長則或採他詩數句

益之或兩詩之中各取半章合歌之但取音調之和諧而不必文義之連屬郭茂倩樂府詩集

多以入樂之詞與本詞並列其分合增減之迹尚有一二之可求後人不究其本一一誤執為

本詞或強為訓詁或疑為脫誤均所謂大惑不解者也此詩自好婦出迎客以下文不與前相

屬蓋即兩詩各採半章者也



翩翩堂前燕冬藏夏來見兄弟兩三人流蕩在他縣故

衣誰當補新衣誰當綻賴得賢主人覽取為吾綻

下綻字馮

氏詩紀作組案廣韻綻訓衣縫解組訓補縫則兩字皆應從旦然流俗相沿補綻字皆從定上綻字既已從俗

下綻字不應獨從古今並依宋刻作綻

夫婿從門來斜柯西北眇

氏詩紀

作斜倚考梁簡文帝選望詩曰散誕垂紅幘斜柯拂玉簪則斜柯原是古語當為歌側之意後人誤改為倚耳

語卿且勿眇水清石自見石見何累累遠行不如歸

### 豔歌行

皚如山上雪皎若雲間月聞君有兩意故來相決絕今

日斗酒會明旦溝水頭蹀躞御溝上溝水東西流淒淒  
復淒淒嫁娶不須啼願得一心人白頭不相離竹竿何  
嫋嫋魚尾何萋萋男兒重意氣何用錢刀為

皚如山上雪

集此詩即白頭吟郭茂倩樂府詩  
集引王僧虔技錄曰白頭吟歌古

皚如山上雪篇宋書樂志載此篇亦曰古詞後  
人因西京雜記之說舉卓文君以寔之然西京  
雜記但曰文君作白頭吟不云即此詞也此列  
之古樂府中而不署文君之名古人詳慎去後  
來臆斷遠矣歷代之樂音節遞殊故其增減  
入樂之詞亦輒轉更改不止一本此篇晉樂所  
歌相決絕下增入平生共城中二句東西流下  
增入郭東亦有樵四句不相離下增入豔如馬

噉其四句宋志有明文矣其實竹竿何爾燭四句已是先時入樂所加其文迥不相屬說者曲為之詞究牽強不可通也

飛來雙白鶴乃從西北來十十將五五羅列行不齊忽然卒疲病不能飛相隨五里一反顧六里一徘徊吾欲銜汝去口噤不能開吾將負汝去羽毛日摧顏樂哉新相知憂來生別離時嶠顧羣侶淚落縱橫垂今日樂相

樂延年萬歲期

末二句文不相屬蓋亦入樂所加非脫誤也

樂府詩集載此篇作飛來雙白

鵲乃從西北來十五五羅列行行妻卒被病行不能相隨五里一反顧六里一徘徊吾欲銜汝去口噤不能

開吾欲買汝去毛羽何推顏樂哉新相知憂來生別離  
時瞻顏聲侶淚下不自知念與君離別氣結不能言各  
各重自愛遠道歸還難妾當守空房閉門下重闌若生  
常相見亡者會黃泉今日樂相樂延年萬歲期前十六  
句每四句註一解又註念與下為起左克明古樂府次  
句作乃從西北方蓋又因韻不相叶而改之皆與此本  
不同豈此最初入樂之詞而樂府所載又後來增益之  
文歟自唐以前學者無輟改古書之習孝穆去古未遠  
必有所受之也

雙白鶴

吳邁遠擬作飛來  
雙白鶴疑此題脫悞

枚乘雜詩九首

西北有高樓上與浮雲齊交疏結綺窓阿閭三重階上

有絃歌聲音響一何悲誰能為此曲無乃杞梁妻清商  
隨風發中曲正徘徊一彈再三嘆慷慨有餘哀不惜歌  
者苦但傷知音稀願為雙鴻鵠奮翅起高飛

東城高且長逶迤自相屬回風動地起秋艸萋以綠四  
時更變化歲暮一何速晨風懷苦心蟋蟀傷局促蕩滌  
放情志何為自結束燕趙多佳人美者顏如玉被服羅  
衣裳當戶理清曲音響一何悲絃急知柱促馳情整中

帶中帶別履選詩補註作中帶案文選李善本亦作中帶註曰中帶中衣帶又鄭玄儀禮註曰中帶若衿褌

穆則作中為誤

沉吟踟躕思為雙飛燕銜泥巢君屋

行行重行行與君生別離相去萬餘里各在天一涯道

路阻且長會面安可知胡馬依北風

依宋刻作嘶按此二句乃以一南一

北申足各天一涯之意以起下相去日遠作依為是今從文選

越鳥巢南枝相去日已

遠衣帶日已緩浮雲蔽白日遊子不顧返思君令人老

歲月忽已晚棄捐勿復道努力加餐飯

滄浪詩話謂玉臺新詠以越鳥

巢南枝以下另為一首與此宋刻又不同觀陳玉父跋宋時已多別本矣

涉江采芙蓉蘭澤多芳艸采之欲遺誰所思在遠道還

顧望舊鄉長路漫浩浩同心而離居憂傷以終老

憂傷宋刻

作傷憂誤  
今從文選

青青河畔草鬱鬱園中柳盈盈樓上女皎皎當窻牖娥

娥紅粉粧纖纖出素手昔為倡家女今為蕩子婦

初學記昔

為作自云  
今作嫁

蕩子行不歸空床難獨守

蘭若生春陽涉冬猶盛滋願言追昔愛情欸感四時美

人在雲端天路隔無期夜光照玄陰長嘆戀所思誰謂

我無憂積念發狂癡

庭中有奇樹綠葉發華滋攀條折其榮將以遺所思馨

香盈懷袖路遠莫致之此物何足貴

貴李善文選註本作貢註貢獻也

但感別經時

迢迢牽牛星

迢迢宋刻作苕苕全書皆然按古詩迢迢牽牛星呂延濟註曰迢迢遠貌張衡西京

賦千雲雨而上達狀亭亭以苕苕李善註曰亭亭假借高隄然則迢迢迥別混而一之非是不得以古字假借

為詞今於凡作遠意者用迢迢皎皎河漢女纖纖擢素凡作高義者仍從宋刻作苕苕

手札札弄機杼終日不成章泣涕零如雨河漢清且淺

相去復幾許盈盈一水間脉脉不得語

義門讀書記曰脉當從見從目



亦可通從月則平其義廣韻嘆  
字下箋列此作嘆嘆不得語

明月何皎皎照我羅床幃憂愁不能寐攬衣起徘徊客  
行雖云樂不如早旋歸出戶獨傍徨愁思當告誰引領  
還入房淚下霑裳衣

李延年歌詩一首

併序此書體例前八卷皆收  
五言而長短歌詞則皆入第九

卷此歌疑後人所竄入文選一書家經戶誦五臣  
註本尚妄增君子行一篇此書自唐迄宋皆不甚  
行並無善本是正好事者輒轉傳寫各以己意附  
益蓋所不免陳玉父跋稱以石氏傳本補亡校脫  
則變亂舊本必自石氏玉父不及辨別轉據以增  
入耳觀七卷武陵王詩九卷沈約詩宋刻皆註附

入而六卷徐悱妻詩十卷劉孝威詩皆顯為附  
入而不註則失註者諒不止是惜不可盡考矣

李延年知音善歌舞每為漢武帝作新聲變曲

聞者莫不感動延年侍上坐上坐宋刻作生上誤起舞歌

曰

北方有佳人絕世而獨立一顧傾人城再顧傾人國寧

不知傾城復傾國宋刻原脫寧不知三佳人難再得

蘇武詩一首蘇李詩始見文選李陵詩三首題曰與蘇武而蘇武詩四首則皆無題此

其第三首也宋刻目錄及題皆作蘇武詩一首蓋猶舊本馮氏校本改題曰留別妻安也

結髮為夫妻恩愛兩不疑  
懽娛在今夕嫵婉及良時  
征

夫懷遠路起視夜何其  
參辰皆已沒去去從此辭  
行役

在戰場

行宋刻作征  
今從文選

相見未有期握手一長嘆  
淚為生

別滋

生別宋刻作別  
生悞今從文選

努力愛春華莫忘歡樂時  
生當復

來歸死當長相思

### 辛延年羽林郎詩一首

昔有霍家奴姓馮名子都

霍家奴樂府詩集作趙家妹  
案馮子都見漢書霍光傳作

趙家妹誤

依倚將軍勢調笑酒家胡  
胡姬年十五春日獨當

壚長裾連理帶廣袖合歡襦頭上藍田玉耳後大秦珠  
兩鬟何窈窕一世良所無一鬟五百萬兩鬟千萬餘不

意金吾子娉婷過我廬銀鞍何煜爚

煜爚宋刻作昱誤  
今從樂府詩集翠

蓋空峙嶠就我求清酒絲繩提玉壺就我求珍肴金盤

鱠鯉魚貽我青銅鏡結我紅羅裾不惜紅羅裂何論輕

賤軀男兒愛後婦女子重前夫人生有新故貴賤不相

渝多謝金吾子私愛徒區區

集後村詩話引此詩無一  
鬟五百萬二句又無就我

求清酒四句又無不惜紅羅裂  
二句蓋刪節之本不足為據

班婕妤怨詩一首

併序 此詩文選作怨歌行李善註曰歌錄曰怨歌行古詞然

言古者有此詞而班婕妤擬之則此題曰怨詩似悞然善註謝朓和王主簿怨情詩江淹擬班婕妤

詩並作怨詩蓋相傳有此二本又江淹雜擬題為班婕妤詠扇則集括其意而命題非舊有此目

昔漢成帝班婕妤失寵供養於長信宮乃作賦

自傷併為怨詩一首

新裂齊紈素鮮潔如霜雪

鮮潔文選作皎潔然李善註謝朓江淹詩並引為鮮潔蓋

亦有裁為合歡扇團團似明月出入君懷袖動搖微風

二本發常恐秋節至涼風奪炎熱棄捐篋笥中恩情中道絕

宋子侯董嬌饒詩一首

嬌饒諸本或作嬌饒蓋以相沿俗字誤改古書今仍

從宋刻

洛陽城東路桃李生路旁花花自相對葉葉自相當春

風東北起

東太平御覽作南悞

花葉正低昂不知誰家子提籠行

采桑織手折其枝花落何飄颺請謝彼妹子何為見損

傷高秋八九月白露變為霜終年會飄墮安得久馨香

秋時自零落春月復芬芳何如盛年去

如宋刻作時諸本亦皆作時惟

藝文類聚作如樂此四句本言花落仍可重開不如人之盛年一去即遭捐棄而從前之歡愛俱忘乃一篇立

言寄慨之本旨如作時字則此句竟不可  
解全篇文義俱闕矣今從藝文類聚改正  
懽愛永相忘

吾欲竟此曲此曲愁人腸歸來酌美酒挾瑟上高堂

### 漢時童謡歌一首

城中好高髻四方高一尺城中好大眉四方眉半額城

中好廣袖四方用匹帛

後漢書大眉作廣眉半作且  
半廣袖作大袖用疋作全疋皆

與此本不同然後漢諸史今惟范蔚宗袁宏及司馬彪  
十志存耳東觀以下諸家今並不傳未審孝穆所據定  
屬何本太平御覽引謝承後漢書載此文高一尺作且  
一尺眉半額作畫半額已有兩字不同則劉珍張璠薛  
瑩華嶠袁崧之書難斷其必不異詞未可以一家繩之  
况趙王好大眉見風俗通石華廣袖見飛燕外傳義既

兩通即不  
必輕改也

張衡同聲歌一首

邂逅承際會得充君後房

得充君家刻作遇得充于上句際會為複今從樂府詩集

情好新交接恐慄若探湯

慄宋刻作慄廣韻注引碑蒼云慄一目病與慄字音義全

別無容假借馮氏校本曲為回護乃過擬宋刻之失

不才勉自竭賤妾職所當綢

繆主中饋奉禮助烝嘗思為莞弱席

莞宋刻作苑悞馮氏指為通用亦曲

說也在下蔽匡床願為羅衾幃在上衛風霜灑掃清枕席

鞮芬以狄香

楊用修丹鉛錄辨此句狄香字訛為秋香今考宋刻正作狄字知用修所說不謬



重戶結金局高下華燈光衣解巾粉御列圖陳枕張句此

未詳素女為我師儀態盈萬方衆夫所稀見天老教軒皇

樂莫斯夜樂沒齒焉可忘

秦嘉贈婦詩三首

併序 姚寬西溪叢語以第一首為徐淑贈詩後二首為秦嘉

答詩蓋由誤讀小序不足為據

秦嘉字士會隴西人也為郡上計

計宋刻作振西溪叢語引

此文註據一作計案漢法歲終郡國各遣吏上計鄭玄注周禮歲終則令羣吏攷事句謂若今

上計是也其所遣之吏亦謂之上計後漢書趙壹傳光和元年舉郡上計晉書宣帝紀建安六

年即舉上計掾是也鍾惺詩品直題漢上計秦嘉嘉及其妻往來書亦並稱為郡詣京師則作計為是字刻悞也馮氏詩紀又因漢有上郡遂例其文為上郡掾更誤中之誤矣其妻

徐淑寢疾還家不獲面別贈詩云爾

人生譬朝露居世多屯蹇憂艱常早至歡會常苦晚念當奉時役去爾日遙遠遣車迎子還空往復空返省書情悽愴臨食不能飯獨坐空房中誰與相勸勉長夜不能眠伏枕獨輾轉憂來如尋環

尋疑作循尚書大傳曰三王之道若循環匪

席不可卷

皇靈無私親

皇西漢叢語作帝悞

為善荷天祿傷我與爾身少小

惟斃獨既得結大義歡樂苦不足念當遠離別思念叙

欸曲河廣無舟梁道近隔丘陵臨路懷惆悵中駕正躋

躅浮雲起高山悲風激深谷良馬不回鞍輕車不轉轂

針藥可屢進愁思難為數貞士篤終始思義不可屬

此句

未詳詩紀屬作促稍為可通然未詳所本

肅肅僕夫征鏘鏘揚和鈴清晨當引邁束帶待鷄鳴顧

看空室中髣髴想安形一別懷萬恨起坐為不寧何用

叙我心遣思致欸誠

遣宋刻作遺悞  
今從西溪叢語

寶釵好耀首

好西溪叢

語作可

明鏡可鑒形芳香去垢穢素琴有清聲詩人感木

瓜乃欲答瑤瓊愧彼贈我厚

贈我西溪叢語作持贈

慚此往物輕

雖未知足報貴用叙我情

貴西溪叢語作良悞

秦嘉妻徐淑答詩一首

此亦歌詞特連兮字為五言耳然鍾惺詩品謂五言

不過數家而婦人居二徐淑叙別之作  
亞於團扇則當時固以為五言詩矣

妾身兮不令嬰疾兮來歸沈滯兮家門歷時兮不差曠  
廢兮侍覲情敬兮有違君今兮奉命遠適兮京師悠悠

兮離別無因兮叙懷瞻望兮踴躍佇立兮徘徊思君兮  
感結夢想兮容輝君發兮引邁去我兮日車恨無兮羽  
翼高飛兮相追長吟兮永嘆淚下兮霑衣

蔡邕飲馬長城窟行一首

滄浪詩話云文選飲馬長城窟無人名玉臺以

為蔡邕作所言與此本合  
後人編入蔡集蓋即據此

青青河邊草

河邊文選五臣注本作河畔按六朝擬作  
凡題青青河邊者皆擬此篇題青青河

畔者皆擬枚叔之  
作然則五臣誤矣

縣縣思遠道遠道不可思夙昔夢

見之夢見在我旁忽覺在他鄉他鄉各異縣展轉不可

見枯桑知天風海水知天寒入門各自媚誰肯相為言  
客從遠方來遺我雙鯉魚呼兒烹鯉魚中有尺素書長  
跪讀素書書中竟何如上有加餐食下有長相憶

陳琳飲馬長城窟行一首

此亦當入第九卷疑此  
附入之人未究孝穆之

體例以與中郎時代相接  
題目又同遂竄置于此耳

飲馬長城窟水寒傷馬骨往謂長城吏慎莫稽留太原  
卒官作自有程舉築諧汝聲男兒寧當格鬪死何能怫  
鬱築長城長城何連連連連三千里邊城多健少內舍

多寡婦作書與內舍便嫁莫留住善事新姑嫜時時念  
我故夫子報書往邊地君今出語一何鄙身在禍難中  
何為稽留他家子生男慎莫舉生女哺用脯君獨不見  
長城下死人骸骨相撐拄結髮行事君慊慊心意關明  
知邊地苦宋刻誤脫明知二字樂府詩集亦然  
文義句格俱不諧今從古樂府補入賤妾何  
能久自全

徐幹室思一首

馮氏校本分此詩前五篇為雜詩  
後一篇為室思註曰前六章宋本

純作室思一首按郭茂倩樂府詩集云徐幹有室  
思詩五章據此則後一章不知何題檢諸本都作

雜詩五首室思一首姑仍之今按偉長本集不傳其詩昭明亦不錄見於選本者惟玉臺新詠為最古所題較為可信藝文類聚載浮雲何洋洋一首正作室思又載宋孝武自君之出矣一首亦作擬室思唐人舊本可以互証郭茂倩所記特以六為五耳然第四首與第五首文既相屬韻亦相同或茂倩所見之本偶合為一孝穆所見之本則分為二又或原書本為一首宋人傳刻以篇幅獨長而誤分之均未可定不得以旁證一字之異遂疑末首之無題而輕改古書也今仍從宋刻以此書之例凡一題數首者皆題為一首聯屬其文而以一其二等字夾注于中今亦皆從宋刻不復變亂

其例

沉陰結愁憂愁憂為誰興念與君生別各在天一方良



會未有期中心摧且傷不聊憂食食慊慊常饑空端坐

而無為髣髴君容光

其一

我我高山首悠悠萬里道君去

日以遠鬱結令人老人生一世間忽若暮春草時不可

再得何為自愁惱每誦昔鴻恩賤軀焉足保

其二

浮雲何

洋洋願因通我詞飄飄不可寄徙倚徒相思

飄飄二句

藝文類聚

作一逝不可歸  
商歌久知調

人離皆復會君獨無返期

君獨

藝文類

聚

聚

聚

聚

聚

自君之出矣明鏡不復治思君如流水何有窮已時

其三

慘慘時節盡蘭葉復凋零喟然長太息君期慰我情

期

二字未詳疑為期君之訛又傳立秋蘭篇君期歷  
九秋句樂府詩集期作其或此亦當作君其歟展轉

不能寐長夜何絳絳躡履起出戶仰觀三星連自恨志

不遂涕泣如涌泉

其四

思見君巾櫛以弭我勞動

見君宋刻作君

見弭宋刻作益並悞今從太平御覽勤御覽作慙則書勤為慙因而轉悞安得鴻鸞羽觀此

心中人誠心亮不遂搔首立悵悵何言一不會復會無

因緣

其五

人靡不有初想君能終之別來歷年歲舊恩何

可期重新而忘故君子所尤譏寄身雖在遠豈忘君須

臾既厚不為薄想君時見思

其六

情詩一首

高殿鬱崇崇廣厦淒淒微風起閨闥落日照堦庭時  
曙雲屋下嘯歌倚華楹君行殊未返我飾為誰容鑪薰  
闔不用鏡匣上塵生綺羅失常色金翠暗無精嘉肴既  
忘御旨酒亦常停顧瞻空寂寂惟聞燕雀聲憂思連相  
屬中心如宿醒

繁欽定情詩一首

按李善註洛神賦引繁欽定情詩曰何以消滯憂足下雙遠遊

不知當在何句  
下附識備考

我出東門遊邂逅承清塵思君即幽房侍寢執衣巾時  
無桑中契迫此路側人我既媚君姿君亦悅我顏何以  
致拳拳縮臂雙金銀何以致殷勤約指一雙銀何以致  
區區耳中雙明珠何以致叩叩香囊繫肘後何以致契  
濶繞腕雙條脫何以結恩情佩玉綴羅纓何以結中心  
素纓連雙鍼何以結相於相於古樂府作相投誤蓋不知古音本諧而以今韻臆改  
之金薄畫幃頭幃宋刻作搔按西京雜記搔頭乃玉簪之名不得云金薄云畫且太平御覽枚  
此句於幃頭部知何以慰別離慰太平御覽作表耳後璫琕釵  
非誤字今從之

何以答歡忻紉素三條裱

忻宋刻作悅裱宋刻作裾樂府詩集古樂府並同然于韻

不諧葉初學記裱部引此二句則裾當作裱更無疑義悅當作忻亦可以韻推之矣又太平御覽引此二句作

何以合歡忻紉素為衫裱義可兩存併附識之何以結愁悲白絹雙中衣與我

期何所乃期東山隅日旰兮不來谷風吹我襦遠望無

所見涕泣起時嶠與我期何所乃期山南陽日中兮不

來凱風吹我裳逍遙莫誰睹望君愁我腸與我期何所

乃期西山側日夕兮不來躑躅長太息遠望涼風至俯

仰正衣服與我期何所乃期山北岑日暮兮不來淒風

吹我襟望君不能坐悲苦愁我心愛身以何為惜我華  
色時中情既款款然後尅密期褰裳躡茂草茂樂府詩  
集作花悞  
謂君不我欺廁此醜陋質徙倚無所之自傷失所欲淚  
下如連絲

古詩無名人為焦仲卿妻作 併序

漢末建安中廬江府小吏焦仲卿妻劉氏為仲  
卿母所遣自誓不嫁其家逼之乃沒水而死仲  
卿聞之亦自縊於庭樹時傷之為詩云爾

樂府  
詩集

賄下有人字末句  
作而為此詞也

孔雀東南飛五里一徘徊十三能織素十四學裁衣十

五彈瑩篴十六誦詩書十七為君婦心中常苦悲君既

為府吏守節情不移

馮氏校本註曰按活本楊本此句下有賤妾留空房相見常日稀二

句檢郭左二樂府並無之

鷄鳴入機織夜夜不得息三日斷五疋大

人故嫌遲非為織作遲君家婦難為妾不堪驅使徒留

無所施便可白公姥及時相遣歸府吏得聞之堂上啓

阿母兒已薄祿相幸復得此婦結髮同枕席黃泉共為

友共事二三年始爾未為久女行無偏斜何意致不厚  
阿母謂府吏何乃太區區此婦無禮節舉動自專由吾  
意久懷忿汝豈得自由東家有賢女自名秦羅敷可憐  
體無比阿母為汝求便可速遣之遣之慎莫留府吏長  
跪答伏惟啟阿母今若遣此婦終老不復取阿母得聞  
之搥床便大怒小子無所畏何敢助婦語吾已失恩義  
會不相從許府吏默無聲再拜還入戶舉言謂新婦哽  
咽不能語我自不驅卿逼迫有阿母卿但暫還家吾今



且赴府不久當歸還還必相迎取以此下心意慎勿違

吾語新婦謂府吏勿復重紛紜往昔初陽歲謝家來貴

門奉事循公姥進止敢自專晝夜勤作息伶仃縈苦辛

謂言無罪過供養卒大恩仍更被驅遣何言復來還妾

有繡腰襦葳蕤自生光

自生藝文類聚作金縷

紅羅複斗帳四角

垂香囊箱簾六七十

簾字未詳疑為奩字之訛

綠碧青絲繩物物各

自異種種在其中

箱簾四句藝文類聚作交文象牙簾宛轉素絲繩太平御覽麗部引此二

句又作交文象牙麗宛轉青絲繩人賤物亦鄙不足迎後人

人賤二句藝文類聚

作鄙賤雖可薄猶中迎故人按不足迎後人句似與留  
待句語意不應不及此二句之諧適惟故人字不可解  
當是後人之訛留待作遺施於今無會因時時為安慰久久莫

相忘鷄鳴外欲曙新婦起嚴妝著我繡袂裯事事四五

通足下躡絲履頭上瑇瑁光腰若流紈素

按腰如束素雖本宋玉賦

語然著我繡袂裯六句皆言服飾指如削葱根四句乃言姿態此處腰若一句未免叙迷袂雖疑若字當作著

字耳著明月璫指如削葱根口如含朱丹纖纖作細步

精妙世無雙上堂拜阿母母聽去不止

八代詩乘馮氏詩紀古詩類苑

此句皆作阿母怒不止然樂府詩集古樂府皆同宋刻

昔作女兒時生小出野里

本自無教訓兼愧貴家子受母錢帛多不堪母驅使今

日還家去念母勞家裏却與小姑別淚落連珠子新婦

初來時小姑始扶床今日被驅遣

宋刻悞脫此二句文義不續今從樂府詩

集

小姑如我長勤心養公姥好自相扶將初七及下九

嬉戲莫相忘出門登車去涕落百餘行府吏馬在前新

婦車在後隱隱何甸甸俱會大道口下馬入車中低頭

共耳語誓不相隔卿且暫還家去吾今且赴府不久當

還歸誓天不相負新婦謂府吏感君區區懷君既若見

錄不久望君來君當作磐石妾當作蒲葦蒲葦紐如絲  
磐石無轉移我有親父兄性行暴如雷恐不任我意逆  
以煎我懷舉手長勞勞二情同依依入門上家堂進退  
無顏儀阿母大拊掌不圖子自歸十三教汝織十四能  
裁衣十五彈箜篌十六知禮儀十七遣汝嫁謂言無誓

違

誓違二字義不可通疑是謄違之訛謄古愆字詩不愆于儀禮緇衣篇引之作謄顏延年秋胡詩百行愆

諸己句李善文選註本亦作謄可以互證

汝今無罪過

無詩來諸書並作何按無罪過不似問詞

作何為是然皆不言所本蓋明人推求文義以意改之

不迎而自歸蘭芝慙阿母

兒實無罪過阿母大悲推還家十餘日縣令遣媒來云  
有第三郎窈窕世無雙年始十八九便言多令才阿母  
謂阿女汝可去應之阿女含淚答蘭芝初還時府吏見

丁寧結誓不別離今日違情意恐此事非奇

奇字義不通疑為

宜字之訛

自可斷來信徐徐更謂之阿母白媒人貧賤有此

女始適還家門不堪吏人婦豈合令郎君幸可廣問訊

不得便相許媒人去數日尋遣丞請還

請還二字未詳

說有蘭

家女

說樂府詩集作誰誤又吳顯全註曰序云劉氏此云蘭家未詳或字之誤也按此二句文義不屬說

有云有亦複疑此句下脫  
失二句不但字句有訛也

承籍有宦官云有第五郎嬌逸

未有婚遣丞為媒人主簿通語言直說太守家有此令

郎君既欲結大義故遣來貴門阿母謝媒人女子先有

誓老姥豈敢言阿兄得聞之悵然心中煩舉言謂阿妹

謂宋刻作為誤  
今從樂府詩集

作計何不量先嫁得府吏後嫁得郎君

否泰如天地足以榮汝身不嫁義郎體

義郎體三字未  
詳樂府詩集作

即亦不  
可解

其佳欲何云蘭芝仰頭答理寔如兄言謝家事

夫婿中道還兄門處分適兄意那得自任專雖與府吏

要渠會永無緣登即相和許便可作婚姻媒人下床去  
諾諾復爾爾還部白府君言談大有緣府君得聞之心  
中大歡喜視厯復開書便利此月內六合正相應良吉  
三十日今已二十七卿可去成婚交語速裝束駱驛如

浮雲

駱驛諸本多作絡繹案後漢書郭伋傳駱驛不絕字正從馬宋刻猶是古字明人誤改也

青雀

白鵠舫四角龍子旂婀娜隨風轉金車玉作輪躑躅青  
驄馬流蘇金鏤鞍齋錢三百萬皆用青絲穿雜綵三百

足交廣市鮭珍從人四五百鬱鬱登郡門

登字疑當作發

阿母

謂阿女適得府君書明日來迎汝何不作衣裳莫令事

不舉阿女默無聲手巾掩口啼淚落便如瀉移我琉璃

榻

榻宋刻作塌悞  
今從樂府詩集

出置前窓下左手持刀尺右手執綾

羅朝成繡袂袞晚成單羅衫晻晻日欲暮愁思出門啼

府吏聞此變因求假暫歸未至二三里摧藏馬悲哀

宋推

刻作催悞  
今從樂府詩集

新婦識馬聲躡履相逢迎悵然遙相望知

是故人來舉手拍馬鞍嗟嘆使心傷自君別我後人事

不可量果不如先願又非君所詳我有親父母逼迫兼



弟兄以我應他人君還何所望府吏謂新婦賀卿得高

遷磐石方且厚

且宋刻作可悞  
今從樂府詩集

可以卒十年蒲葦一時

級便作旦夕間卿當日盛貴我獨向黃泉新婦謂府吏

何意出此言同是被逼迫君爾妾亦然黃泉下相見

下宋

刻作不悞今  
從樂府詩集

勿違今日言執手分道去各各還家門生

人作死別恨恨那可論念與世間辭千萬不復全府吏

還家去上堂拜阿母今日大風寒寒風摧樹木嚴霜結

庭闈兒今日冥冥令母在後單故作不良計勿復怨鬼

神命如南山石四體康且直阿母得聞之零淚應聲落  
汝是大家子仕宦於臺閣慎勿為婦死貴賤情何薄東  
家有賢女窈窕艷城郭阿母為汝求便復在旦夕府吏  
再拜還長嘆空房中作計乃爾立轉頭向戶裏漸見愁

煎迫其日牛馬嘶新婦入青廬菴菴黃昏後

前作曉曉此作菴菴

案廣韻曉烏感切曉靄暗也而左思蜀都賦豐蔚所盛茂八荒而菴靄焉正作菴字李善亦音烏感切然則二

字本通非訛異也

寂寂人定初我命絕今日魂去尸長留攬袂

脫絳履舉身赴清池

清宋刻作青誤今從樂府詩集

府吏聞此事心知

長別離徘徊庭樹下自挂東南枝  
兩家求合葬合葬華山旁  
東西植松柏左右種梧桐  
枝枝相覆蓋葉葉相交  
通中有雙飛鳥自名為鴛鴦  
仰頭相向鳴夜夜達五更  
行人駐足聽寡婦起彷徨  
起宋刻作赴悞  
今從樂府詩集多謝後世人  
戒之慎勿忘

玉臺新詠考異卷一

欽定四庫全書

玉臺新詠考異卷二

姚安府知府紀容舒撰

魏文帝於清河見挽船士新婚與妻別一首

此詩藝文

類聚作徐幹蓋別有所據明梅禹金八代詩乘署此為蘇武妻作而題曰答外贈詩可謂拙於作偽矣

與君結新婚宿昔當別離涼風動秋草蟋蟀鳴相隨

列寒蟬吟

列列藝文類聚作列結誤

蟬吟抱枯枝枯枝時飛揚身體

忽遷移不悲身遷移但惜歲月馳

但藝文類聚作當誤

歲月無窮

極

歲月藝文類聚作月馳誤

會合安可知願為雙黃鵠比翼戲清池

比翼

藝文類聚作悲鳴誤

聚作悲鳴誤

### 又清河作一首

方舟戲長水湛澹自浮沉絃歌發中流悲響有餘音  
聲入君懷悽愴傷人心心傷安可念但願恩情深願為  
晨風鳥雙飛翔北林

### 又甄皇后樂府塘上行一首

此篇作者衆說紛紛藝文類聚所載署曰

甄后樂府詩集引歌錄曰塘上行古詞或曰甄皇后造又引樂府解題曰前志云晉樂奏魏武帝蒲生篇而諸集錄皆云其詞甄后所作又引郭都故事甄后臨終作詩曰蒲生我池中綠葉何離離豈無蕪蔭艾與君生別離莫以賢豪故棄捐素所愛莫以麻枲賤棄捐管與薊莫以魚肉賤棄捐葱與雞數說不同詞亦小異然無以為魏文帝者惟文選陞機塘上行題下李善註曰歌錄曰塘上行古詞或云甄皇后造或云魏文帝或云武帝歌曰蒲生我池中葉何一離離所引較郭茂倩為詳乃知歌錄所載本有四說古詞之說後人不用沈約宋書用武帝一說郭中故事諸書用甄后一說而孝穆此書則用文帝一說耳題首又字蓋其本文其甄皇后三字則後來傳刻所竄入觀下代擬劉勰妻詩本文帝作而刻本改題為王宋其變亂之迹固灼然可見矣楊氏刻本據宋書樂志改題魏武

帝作移其次於文帝前吳氏註本又據諸書之說  
改題甄后圖失傳疑之義梅氏詩東但稱玉臺作  
魏文帝亦未究其本今仍  
從宋刻併為考證如右

蒲生我池中其葉何離離旁能行仁義

仁義選詩補註  
作人義引禮運

曰夫義婦聽  
謂之人義

莫若妾自知衆口鑠黃金使君生別離念

君去我時獨愁常苦悲想見君顏色感結傷心脾念君

常苦悲夜夜不能寐莫以賢豪故

賢豪藝文類  
聚作豪髮

棄捐素

所愛莫以魚肉賤

賤吳氏本註一作貴蓋疑魚肉不賤  
於慈菹也案此二賤字皆作價廉易

致解以譬達迎者之易合非下賤之賤所改為  
非况麻象亦不賤於菅蒯何為魚肉獨云貴耶棄捐慈



與薤莫以麻枲賤棄捐菅與蒯出亦復苦愁入亦復苦

愁邊地多悲風樹木何修修從軍致獨樂

軍樂府詩延  
集作君侯延

年壽千秋

郭茂倩樂府詩集以增減之本為晉樂所歌  
而以此一曲為本詞然邊地從軍延年千秋

均非本詞所應有蓋鄴都故事所載乃刪節之本此詞  
及晉樂所奏與梅岳金古樂苑所載第三首則皆增加  
之本而本詞則久佚矣後人不得其本詞因此本增減  
畧少遂以當之而未察後六句之不相屬劉坦之選詩  
補注謂文帝從軍邊地  
而孰后念之益無稽矣

劉勲妻王氏雜詩二首

併序

王宋者平虜將軍劉勲妻也入門二十餘年後

勲悅山陽司馬氏女以宋無子出之還於道中

作詩二首

藝文類聚載前一首作魏文帝代劉勲出妻王氏作邢凱坦齊通編載後

一首引玉臺新詠

作曹植為劉勲出妻王氏作

均與此異凱為宋宗時人則舊本必作曹植

陳王父重刊乃更題王宋併刪改序文爾然舊

本今不可見而藝文類聚又作文帝未敢輕改

古書姑附識

異同於此

翩翩床前帳張以蔽光輝昔將爾同去今將爾共歸緘

藏篋笥裏當復何時披

誰言去婦薄去婦情更重千里不唾井况乃昔所奉遠

望未為遙峙嶠不得共

共宋刻作往吳氏本作并  
並悞今據坦齋通編改正

曹植雜詩五首

第一首文選作七哀詩第二首文選作情詩蓋雜取子建之詩故標

曰祿詩不必盡其本題也文選魏文帝雜詩二首  
李善註本集一題杞中作一題于黎陽作是其例

笑

明月照高樓流光正徘徊上有愁思婦悲嘆有餘哀借

問嘆者誰言是宕子妻

言是古樂府作自云宕文選作客

君行逾十年

古樂府君作夫年作載

孤妾常獨棲君若清路塵妾若濁水泥

二若

字太平御覽並作為浮沉各異勢會合何時諧願為西南風長逝

入君懷君懷時不開

時文選作良侯今從宋刻

賤妾當何依

賤妾樂府詩集

作妾心

西北有織婦綺縞何續紘明晨秉機杼

明太平御覽作杼

日昃

不成文

是太平御覽作暮

太息終長夜悲嘯入青雲妾身守空

房良人行從軍自期三年歸今已歷九春孤鳥繞樹翔

噉噉鳴索羣願為南流景馳光見我君

微陰翳陽景清風飄我衣遊魚潛綠水翔鳥薄天飛眇

眇客行士逕役不得歸始出嚴霜結今來白露晞遊子

嘆黍離行者歌式微慷慨對嘉賓悽愴內傷悲

攬衣出中閨逍遙步兩楹閒房何寂寞綠艸被階庭空

室自生風百鳥翔南征

翔藝文類聚作翻

春思安可忘憂感與

我并

憂感句藝文類聚作憂戚與君并

佳人在遠道妾身獨單

單獨單

文類聚作單且榮

懽會難再遇蘭芝不重榮人皆棄舊愛君豈

若平生寄松為女蘿依水如浮萍束身奉襟帶朝夕不

墮傾儻終顧盼恩

儻終句宋刻作儻願終盼恩于義為短今從藝文類聚

永副我

中情

南國有佳人榮華若桃李朝遊江北岸夕宿湘川汜

選詩

補註作日夕宿湘汜

時俗薄朱顏誰為發皓齒俛仰歲時暮榮耀

難久恃

美女篇

美女妖且閒采桑岐路間

間選詩補註作西音先于韵亦諧但采桑何必定在

路西于義未愜

長條紛冉冉落葉何翩翩攘袖見素手皓腕約

金環頭上金爵釵

金爵藝文類聚樂府詩集並作三爵太平御覽作合歡

腰佩翠

琅玕明珠交玉體珊瑚間木難羅衣何飄飄

飄飄文選作飄飄

輕裾隨風還顧眄遺光采長嘯氣若蘭行徒用息駕休

者以忘餐借問女安居乃在城南端青樓臨大路高門

結重關容華暉朝日

暉文選作耀

誰不希令顏媒氏何所營

玉帛不時安

安字未詳李善註安定也愈不可解然佳唐本業已如斯似非訛字當開所疑

人慕高義求賢良獨難衆人徒嗷嗷安知彼所歡

歡文選樂

府詩集選詩補註並作觀

盛年處房室中夜起長嘆

### 種葛篇

種葛南山下葛蔓自成陰與君初婚時

婚時藝文類聚作定婚

結

髮恩義深歡愛在枕席宿昔同衣衾竊慕棠棣篇好樂

和瑟琴行年將晚暮佳人懷異心思絕曠不接

絕藝文類聚作

紀我情遂抑沉出門當何顧徘徊步北林下有交頸獸

仰有雙棲禽攀枝長太息淚下沾羅襟良鳥知我悲延

頸對我吟昔為同池魚今若商與參往古皆歡遇我獨

困于今棄置委天命悠悠安可任

悠悠來刻作愁愁悵今從樂府詩集

浮萍篇

樂府作蒲生行浮萍篇

浮萍寄清水

清藝文類聚作綠

隨風東西流結髮辭嚴親來為



君子仇恪勤在朝夕無端獲罪尤

無端句藝文類聚作中年獲愆尤

在

昔蒙恩惠和樂如瑟琴何意今摧顏曠若商與參策策

自有芳

有芳藝文類聚作內芳候

不若桂與蘭新人雖可愛無若故

所歡

新入句藝文類聚作佳人雖成列無藝文類聚作不

行雲有返期君恩儻中

還慊慊仰天嘆愁心將何愬

愁心宋刻作愁愬候今從樂府詩集

日月不

常處人生忽若寓

寓宋刻作遇候今從樂府詩集

悲風來入懷淚下如

垂露發篋造裳衣裁縫紉與素

棄婦詩一首

婦太平御覽作妻

石榴植前庭綠葉搖縹青丹華灼烈烈璀璨采有光榮

珠宋

刺作惟誤今從樂府詩集

光榮晬流離可以戲淑靈

此句未詳馮氏詩紀戲作處亦

不可有鳥飛來集拊翼以悲鳴

相宋刻作樹悞今從太平御覽

悲鳴夫

何為丹華實不成拊心長歎息無子當歸寧有子月經

天無子若流星天月相終始流星沒無精棲遲失所宜

下與瓦石併憂懷從中來歎息通鷄鳴反側不能寐道

遠於前庭峙曙還入房肅肅帷幕聲寒帷更攝帶撫節

彈素箏慷慨有餘音要妙悲且清收淚長嘆息何以負

神靈招搖待霜露何必春夏成晚獲為良實願君且安

寧

馮氏詩紀註曰本集不載見玉臺新詠按子建集後人所輯寔非原書蒐錄時偶遺之耳太平御覽載此

詩亦云  
曹植作

### 魏明帝樂府詩二首

前一首文選作古詞怨歌行然藝文類聚亦作魏明帝詩

昭昭素明月

素藝文類聚作清

輝光燭我床憂人不能寐耿耿

夜何長微風吹閨闥

吹宋刻藝文類聚皆作銜按微風徐入似不得云銜今從文選羅

帷自飄颻攬衣曳長帶展履下高堂

展宋刻作縱候今從文選春鳥

向南飛

向文選作翻按下旬既云翩翩獨翱翔則翻字為複

翩翩獨翱翔悲聲命

儔侶哀鳴傷我腸感物懷所思泣涕忽沾裳

文選末有佇立吐高

吟舒憤訴穹蒼二句吳氏註本據以增入然二句頗激或考穆以其竭情而刪之亦未可定王季友山中贈秘

書十四兄詩元結篋中集所載較嚴璠河岳英靈集節去數句知古人原有刪句例也

種瓜東井上冉冉自踰垣與君新為婚瓜葛相結連寄

託不肖軀有如倚太山菟絲無根株蔓延自登緣萍藻

託清流常恐身不完被蒙丘山惠賤妾執拳拳天日照

知之想君亦俱然

阮籍詠懷詩二首

二妃遊江濱逍遙從風翔

從選詩補註作順

交甫解佩環婉孌

有芬芳猗靡情歡愛千載不相忘傾城迷下蔡容好結

中腸感激生憂思諷艸樹蘭房蘭沐為誰施其雨怨朝

陽如何金石交

石宋刻作磨悞今從文選

一旦更離傷

昔日繁華子安陵與龍陽天天桃李花灼灼有輝光悅

懌若九春

懌藝文類聚作澤

磬折似秋霜

此句未詳

流眄發姿媚言

笑吐芬芳携手等歡愛夙昔同衾裳願為雙飛鳥比翼

共翱翔丹青著明誓永世不相忘

傅玄青青河邊艸篇

青青河邊艸悠悠萬里道艸生在春時遠道還有期春

至艸不生期盡歎無聲

歎藝文類聚作漠

感物懷思心夢想發

中情夢君如鴛鴦比翼雲間翔既覺寂無見曠如參與

商

吳氏本此下有夢君結同心比翼遊北林既覺寂無見曠如商與參四句宋刻無之檢樂府詩集亦無之

知為後人闕入

河洛自用固

此句未詳

不如中岳安回流不及返浮

雲往自還悲風動思心悠悠誰知者懸景無停居忽如

馳駟馬傾耳懷音響轉目淚雙墮生存無會期要君黃

泉下

苦相篇

豫章行

樂府詩集作豫章行苦相篇

苦相身為女卑陋難再陳男兒當門戶

男兒宋刻作兒男誤今從藝文

類聚墮地自生神雄心志四海萬里望風塵女育無欣愛

愛藝文類聚作慶

不為家所珍長大逃深室藏頭羞見人垂淚

適他鄉

垂宋刻作無誤今從藝文類聚

忽如雨絕雲低頭和顏色素齒

結朱唇跪拜無復數婢妾如嚴賓情合同雲漢

雲漢二字未詳

葵藿仰陽春心乖甚水火百惡集其身玉顏隨年變丈

夫多好新昔為形與影今為胡與秦胡秦時相見一絕

踰參辰

有女篇 艷歌行

有女懷芬芬媿媿步東箱

媿媿馮氏校本註一作媿媿案提提語本國風媿媿訓出

爾雅音義並同無庸改字

藝文類聚載此詩亦作媿媿

箱樂府詩集作廂案儀禮公食大夫禮曰公揖退于

箱又史游急就篇曰塹壘廡庫東箱顏師古

註箱東序之屋也然則箱廂二字古亦通矣

蛾眉分

翠羽明目發清揚

目樂府詩集作眸

丹唇翳皓齒秀色若圭璋

巧笑露權靨

露樂府詩集作雲

衆媚不可詳容儀希世出無乃



古毛嬙頭安金步搖

樂府詩集註頭安一作首戴

耳繫明月璫珠環

約素腕翠爵垂鮮光

爵樂府詩集作羽

文袍綴藻黼玉體映羅

裳容華既已艷

已宋刻作以候今從樂府詩集

志節擬秋霜薇音冠青

雲

戲樂府詩集作微候

聲響流四方妙哉英媛德宜配侯與王靈

應萬世合日月時相望媒氏陳素帛

氏宋刻作人今從樂府詩集

羔

雁鳴前堂百兩迎中路起若鸞鳳翔凡夫徒踴躍望絕

如參商

如樂府詩集作殊

# 朝時篇 怨歌行

昭昭朝時日皎皎晨明月十五入君門一別終華髮同心忽異離曠若胡與越胡越有會時參辰遼且濶形影無髣髴音響寂無達纖絃感促柱觸之哀聲發情思如循環憂來不可遏塗山有餘恨詩人詠采葛蜻蛚吟床下回風起幽閨春榮隨露落芙蓉生木末自傷命不遇良辰永乖別已爾可奈何譬如紈素裂孤雌翔故巢星流光景絕魂神馳萬里甘心要同穴

一 明月篇

藝文類聚  
作怨詩

皎皎明月光灼灼朝日暉昔為春繭絲今為秋女衣丹

唇列素齒

列藝文類聚作形

翠彩發蛾眉嬌子多好言歡合易

為安玉顏盛有時

盛藝文類聚作虧候

秀色隨年衰常恐新間舊

變故興細微浮萍無根本

無根本藝文類聚作本無根

非水將何依

憂喜更相接樂極還自悲

還自宋刻作自還今從藝文類聚

### 秋蘭篇

秋蘭映玉池

映太平御覽作蔭

池水清且芳芙蓉隨風發中有

雙鴛鴦雙魚自踴躍兩鳥時回翔君其歷九秋

其宋刻作期今

從樂府  
詩集  
與妾同衣裳

西長安行

所思兮何在乃在西長安何用存問妾香橙雙珠環何  
用重存問羽爵翠琅玕今我兮聞君更有兮異心香亦  
不可燒環亦不可沉香燒日有歇有疑環沉日自深

和班氏詩一首

此按樂府詩集載休奕秋胡行二首也然二首語意相同何

必復作疑班固詠史詩中有秋胡妻一首休奕和  
之後人以亦詠秋胡妻遂併附秋胡行後而考穆  
所書則其本題耳班固詠史今惟存緹縈一章正  
詠賢女之事則詠及秋胡妻正從其類舊本標題

如是必非漫然  
故仍從宋刻

秋胡納令室三日宦他鄉皎皎潔婦姿泠泠守空房燕  
婉不終夕別如參與商憂來猶四海易感難可防人言  
生日短愁者苦夜長百草揚春華攘腕采柔桑素手尋  
繁枝落葉不盈筐羅衣翳玉體迴目流采章

采章樂府詩集作來

車誤君子倦仕歸車馬如龍驤精誠馳萬里既至兩相忘

至古樂府作去誤

行人悅令顏借息此樹旁

借宋刻作請誤樂府詩集作情尤誤

今從古樂府

誘以逢卿喻

卿宋刻作郎誤今從樂府詩集

遂下黃金裝烈烈

貞女憤言詞厲秋霜長驅及居室奉金升北堂母立呼  
婦來歡樂情未央秋胡見此婦惕然懷探湯負心豈不  
慙永誓非所望清濁必異源鳧鳳不並翔吳氏註本據  
晉陽秋鸞鳳  
不與鳧鸞同棲語謂鳧當作泉  
然鳧鳳已自相懸不必泉也引身赴長流果哉潔婦

腸彼夫既不淑此婦亦太剛

張華情詩五首

北方有佳人端坐鼓鳴琴終晨撫管絃

琴有絃而無管  
管字與上句不

叶管煩吹而不須撫撫字與本句亦不叶  
此句必有訛字然諸本並同闕疑俟考

日夕不成音

憂來結不解我思存所欽君子尋時役幽妾懷苦心初

為三載別於今久滯淫昔邪生戶牖庭內自成林翔鳥

鳴翠隅

翠隅二字未詳詩紀作翠偶亦不  
可解疑為率偶二字以形似而訛

草蟲相和吟

心悲易感激俯仰淚流衿願托晨風翼束帶侍衣衾

明月曜清景曦光照元墀幽人守靜夜回身入空帷束

帶俟將朝廓落晨星稀寐假交精爽覲我佳人姿巧笑

媚權靨聯娟眸與眉

聯娟宋刻作聯娟按眉聯娟以蛾  
揚本宋玉神女賦語宋刻悞也

寤言增長嘆

寤宋刻  
作寐悞

悽然心獨悲

清風動帷簾晨月燭幽房佳人處遐遠蘭室無容光襟  
懷擁虛景輕衾覆空牀居歡惜夜促在感怨宵長撫枕  
獨吟嘆絲絲心內傷

君居北海陽妾在南江陰

南江諸本作江南然水南即是水陰于義為複今從宋刻

懸邈極修途山川阻且深承歡注隆愛結分投所欽銜  
恩守篤義萬里託微心

游目四野外逍遙獨延佇蘭蕙緣清渠繁華蔭綠渚佳

人不在茲取此欲誰與巢居覺風飄

風飄文選作風寒藝文類聚作寒風



穴處識陰雨未曾遠別離安知慕儔侶

雜詩二首

逍遙遊春宮容與綠池阿白蘋齊素葉

齊詩紀作開

朱草茂

丹華微風搖蔭若層波動芰荷

層宋刻作增案楚詞增芰我我即作層義蓋古

字假借相通然詩歌為後代之文不必更假借以為古今從諸本作層字

榮采曜中林流馨

入綺羅王孫遊不歸修路邈以遐誰與玩遺芳竚立獨  
咨嗟

荏苒日月運寒暑忽流易同好逝不存

逝宋刻作逝候

迢迢遠

離析房櫳自來風戶庭無行迹蒹葭生床下蛛蝥網四  
壁懷思豈不隆感物重鬱積遊雁比翼翔歸鴻知接翮  
來哉彼君子無愁徒自隔

愁字未詳  
疑有舛悞

潘岳顧內詩二首

藝文類聚  
作內顧詩

靜居懷所歡登城望四澤春草鬱青青桑柘何奕奕芳

林振朱榮

朱藝文類  
聚作丹

綠水激素石初征冰未泮忽然振

絺綌

振吳氏本作袵據論語文也然詩家用事未必如  
此板實作節序初更始振拂而衣之較有情致不

必輕改  
舊本

漫漫三十里迢迢遠行客馳情戀朱顏寸陰過

盈尺夜愁極清晨朝悲終日夕山川信悠永願言良弗

獲引領訊歸雲沉思不可釋

藝文類聚訊歸雲作訴  
歸期沉思作雲沉並誤

獨悲安所慕人生若朝露縣邈寄絕域眷戀想平素爾  
情既來追我心亦還顧形體隔不達精爽交中路不見  
山上松隆冬不易故不見陵澗柏歲寒守一度無謂希  
見踈

見宋刻作是  
悞今從詩紀

在遠分彌固

### 悼亡詩二首

荏苒冬春謝寒暑忽流易之子歸窮泉重壤永幽隔私

懷誰克從淹留亦何益僂俛恭朝命迴心返初役望廬  
思其人入室想所歷幃屏無髣髴翰墨有餘迹流芳未  
及歇遺掛猶在壁悵恍如或存悵恍宋刻作悵  
慢悵今從文選回惶忡  
驚惕如彼翰林鳥雙棲一朝隻如彼遊川魚比目中路  
折春風緣隙來晨溜依檐滴寢興何時忘沈憂日盈積  
庶幾有時衰莊缶猶可擊

皎皎窓中月照我室南端清商應秋至溽暑隨節闌凜  
凜涼風升始覺夏食單豈曰無重纊誰與同歲寒歲寒

無與同朗月何朧朧展轉盼枕席長簾竟床空床空委  
清塵室虛來悲風獨無李氏靈髣髴爾容撫襟長歎  
息不覺涕霑胸霑胸安能已悲懷從中起寢興目存形

目宋刻作自  
今從文選

遺音猶在耳上慙東門吳下愧蒙莊子賦

詩欲見志零落難具紀命也可奈何

可宋刻作詩  
悞今從文選

長戚

自令鄙

石崇王明君辭一首

併序  
刻何題

序明言改昭為明宋  
王昭君辭悞也今從

文選  
改正

王明君者本為王昭君

為劉坦之選詩補註作是

以觸文帝

諱故改

故改文選作改之選詩補註作改焉

匈奴盛請婚於漢元

帝以後宮良家子明君配焉昔公主嫁烏孫令

琵琶馬上作樂以慰其道路之思其送明君亦

必爾也其造新曲

宋刻曲上有之字馮氏校本改造新為新造案唐書樂志

明妃漢曲也漢人情其遠嫁為作此歌晉石崇妓綠珠善舞以此曲教之而自製新歌文選李

善註本作其造新曲劉坦之補註本亦同文義本明馮氏不究之字悞衍而顛倒舊文非也今

改從李善本

多哀怨之聲故叙之於紙云爾

我本漢家子將適單于庭辭訣未及終前驅已抗旌

宋旌

刻作菸今從文選

僕御涕流離轅馬為悲鳴

為悲鳴文選作悲且鳴

哀鬱

傷五內泣淚霑朱纓

朱纓宋刻作珠纓當以冠纓乃男

士昏禮主人親說婦之纓禮記衿纓綦履鄭玄註婦人有纓示繫屬也爾雅婦人之褱謂之綯綯結也郭璞注

曰即今之香纓也然則珠纓非矣選詩補註作珠纓謂以珠飾纓則義可兩存

行行日已遠乃

造匈奴城

乃文選作遂案乃字有遠而難至之意故從宋刻

延我於穹廬加我

關氏名殊類非所安雖貴非所榮父子見凌辱對之慙

且驚殺身良未易

未古樂府作不

默默以苟生苟生亦何聊積

思常憤盈願假飛鴻翼棄之以遐征

棄字文選作棄然棄字與上文有意

且假字已括棄字意考藝文類聚亦作棄故從宋刻

飛鴻不我顧竚立以屏營昔

為匣中玉今為糞上英朝華不足歡

歡古樂府作嘉誤

甘與秋

草并

與宋刻作為誤今從文選

傳語後世人遠嫁難為情

### 左思嬌女詩一首

吾家有嬌女皎皎頗白皙小字為紉素口齒自清歷鬢

髮覆廣額雙耳似連璧明朝弄梳臺黛眉類掃迹濃朱

衍丹唇黃吻爛漫赤嬌語若連瑣忿速乃明儻握筆利



彤管

利字未詳

篆刻未期益

此句未詳

執書愛綈素誦習矜所獲

其姊字蕙芳面目瞭如畫

瞭字

說文玉篇皆不載似非梁以前字疑當作釅然宋刻

如是姑存俟考

輕妝喜樓邊

宋刻妝作莊樓作樓俱誤

臨鏡忘紡績舉觶臨

京兆

舉解二字未詳吳顯令註謂當作舉顰然顰亦非

畫眉物也

立的成復易玩弄

眉頰間劇兼機杼役從容好趙舞延袖象飛翮上下絃

柱際文史輒卷襞顧盼屏風畫如見已指擿丹青日塵

闇明義為隱蹟馳驚翔園林果下皆生摘紅葩綴紫蒂

萍實驟抵擲

萍實未詳

貪華風雨中矜忽數百適

矜忽詩紀作倏忽接

司馬相如子虛賦曰脰腫淒冽張揖註曰皆疾貌太冲蜀都賦亦有鷹犬倏腫之語此腫忽當卽倏腫之意古書今不盡見未可務躡霜雪戲重綦常累積并心注有以字僻而改之

饌端坐理盤楯翰墨戢函按相與數離逖動為鑪鉦屈

鑪鉦屈三字未詳屣履任之適心為茶薺劇案諸本皆作止為茶薺據宋刻亦同

今據太平御覽改正吹噓對鼎鑪脂膩漫白袖烟熏染阿錫熏宋刻作


熱悞今從詩紀阿錫宋刻作珂錫案司馬相如子虛賦被阿錫李善文選註張揖曰阿細繒也錫細布也列子

鄭衛之處子衣阿錫錫與衣被皆重池古詩類苑註重池被之心如池

玉臺作衣被皆重施悞案張氏所云乃明人新本宋刻實作衣被皆重池難與沈水碧沈宋刻作

次侯今任其孺子意羞受長者責督聞當與杖掩淚俱

向壁



玉臺新詠考異卷二

欽定四庫全書

集部

玉臺新詠考異卷

三

詳校官中書臣陸湘

助教臣常循覆勘

總校官編修臣王燕緒

校對官編修臣盧遂

謄錄監生臣曹方昇

欽定四庫全書

王臺新詠考異卷三

姚安府知府紀容舒撰

陸機擬古七首

高樓一何峻  
宮宮峻而安  
綺窻出塵冥  
飛階躡雲端  
佳

人撫琴瑟

琴藝文類聚作瑶

纖手清且閒  
芳氣隨風結

芳氣宋刻誤作

芳草今從文選

哀響馥若蘭  
玉容誰能顧  
傾城在一彈  
竚立望

日昃躑躅再三歎  
不怨竚立久  
但願歌者歡  
思駕歸鴻

羽比翼雙飛翰

擬西北有高樓

西山何其峻層曲鬱崔嵬零露彌天墜蕙葉憑林哀寒

暑相因襲時逝忽如頽

頽宋刻作遺誤今從文選

三閭結飛轡大耋

嗟落暉何為牽世務中心悵有違

悵文選作若

京洛多妖麗

玉顏倂瓊蕤閒夜撫鳴琴惠音清且悲長歌赴促節哀

響逐高徽一唱萬夫嘆

嘆宋刻作歡誤今從文選

再唱梁塵飛思為

河曲鳥雙遊豐水湄

擬東城高且長

文選作擬東城一何高案文選載古詩十九首正作東城高且

長李善註城高且長故登之以望也然則高且長為定本而此首標題乃別本未及畫一也

嘉樹生朝陽凝霜封其條執心守時信歲寒不敢凋

作終不凋案終不凋則實本天生不美人何其曠灼灼

在雲霄隆想彌年月

月宋刻作時誤今從文選

長嘯入飛颺

飛颺宗刻作風

飄今從文選

引領望天末譬彼向陽翹

末句文選五臣註本作葵藿向陽翹語殊

板滯不及譬彼二字之生動李善本亦與宋刻同

擬蘭若生春陽



昭昭清漢暉

清宋刻作天今從文選

粲粲光天步牽牛西北回織

女東南顧華容一何綺

綺文選作冶

揮手如振素怨彼河無

梁悲此年歲暮跂彼無良緣睨焉不得度

睨宋刻作睨案睨字於義

可通而睨彼牽女實本經義故從文選

引領望大川雙涕如霑露

### 擬迢迢牽牛星

靡靡江離草

離文選作蘿案楚詞江離字不從草今仍從宋刻後皆倣此

熠熠生河

側

熠熠藝文類聚作熠爍

皎皎彼姝女阿那當軒織粲粲妖容姿

妖藝文類聚作嬌誤此字後來習見漢晉間人尚不甚用也

灼灼美顏色良人遊不

歸偏樓常隻翼空房來悲風中夜起歎息

擬青青河畔草

歡友蘭時往迢迢匿音徽虞淵引絕景四節逝若飛

宋逝

刻作遊誤  
今從文選

芳草久已茂佳人竟不歸躑躅遵林渚惠風

入我懷感物戀所歡采此欲貽誰

擬庭中有奇樹

上山采瓊蘂穹谷饒芳蘭采采不盈朶悠悠懷所歡故

鄉一何曠山川阻且難沉思鍾萬里

鍾宋刻作鐘二字  
古亦通用然入詩

固自有分  
躑躅獨吟歎  
今從文選

### 擬涉江采芙蓉

為顧彥先贈婦二首

李善文選注曰集云為令彥先作今云顧彥先誤也且此

上篇贈婦下篇答俱云贈婦亦誤也案晉書顧榮字彥先令彥先別無所考二陸皆別有贈顧彥先詩則作顧彥先似不誤士龍此題贈婦下有往反二字士衡此題亦必爾當是傳寫誤脫文選載士龍詩題亦脫

往反二字也

辭家遠行遊悠悠  
三千里京洛多風塵  
素衣化為緇

身悼憂苦

循身文選作修身案循身即撫躬之意作修身非惟句格板拙且與憂苦感念俱不貫矣

感念同懷子隆思亂心曲沈歡滯不起歡沈難克興

沈歡

劉坦之選詩補註疑作歡滯案此承上二句而倒具文劉氏誤也

心亂誰為理願假歸

### 鴻翼翻飛浙江記

東南有思婦長歎充幽閨借問歎何為佳人渺天末遊

宦久不歸山川修且濶形影參商乖音息曠不達離合

非有常譬彼弦與筈願保金石軀

軀宋刻作志案作志乃冀不相負猶是恒

意作軀則憂念行人祝其無恙用意更為深至故從文選慰妾長饑渴

### 周夫人贈車騎一首

詩紀題首有為字

碎碎織細練為君作繡襦君行豈有顧憶君是妾夫昔  
年得君書聞君在高平今時得君書聞君在京城京城  
華麗所璀璨多異端男兒多遠志豈知妾念君昔者與  
君別歲律薄將暮日月一何速素秋墜湛露湛露何冉  
冉思君隨歲晚對食不能餐臨觴不能飯

樂府三首

樽桑升朝暉照此高臺端高臺多妖麗洞房出清顏

洞房

文選作濬房李善註引雅門周廣廈邃房之語頗為迂  
曲疑其初當為濬房士衡七微名倡陳於濬房是其證

也其後說瘡為瘡又以淑貌曜皎日惠心清且閒美目瘡字難通改為洞字耳

揚玉澤蛾眉象翠翰鮮膚一何潤秀色若可餐窈窕多

容儀婉媚巧笑言暮春春服成粲粲綺與紃金雀垂藻

翹瓊佩結瑤璫方駕揚清塵濯足洛水瀾靄靄風雲會

佳人一何繁南崖充羅幕北渚盈軒軒清川含藻景

景宋

刻作影案二字古本無別自葛洪加多之後詞人所用亦畧區分形影字可以作景風景字則不可作影今從

文選高岸被華丹

岸文選作崖於上南崖為複

馥馥芳袖揮泠泠纖指

彈悲歌吐清音雅舞播幽蘭丹唇含九秋妍迹陵七盤

赴曲迅驚鴻蹈節如集鸞綺態隨顏變沈姿無定源

沈安

二字未詳然諸本並同定文選作乏俯仰紛阿那顧步咸可歡遺芳結

飛颺浮景映清湍冶容不足詠春遊良可歎

艷歌行

文選作日出東南隅行

遊仙聚靈族高會層城阿

城宋刻作山誤今從文選長風萬里舉

舉藝

文類聚作急誤

慶雲鬱嵯峨宓妃興洛浦王韓起太華北徵瑤

臺女南邀湘川娥肅肅霄駕動

霄宋刻作宵文選李善註本作霄而註則引詩

肅肅宵征句案詩敘遊仙正指駕於霄霄之上作霄為是善註引詩蓋註肅肅字非註宵字也今仍從文選

翩翩翠蓋羅羽旗樓瓊鸞

瓊宋刻作瓊誤今從文選

玉衡吐鳴和大

容揮高絃洪厓發清歌獻酬既已周輕舉乘紫霞

宋刻舉作

軒乘作雲今從文選

總轡搏桑枝

枝樂府詩集一作底誤

濯足暘谷波清暉

溫天門垂慶惠皇家

### 前緩聲歌

江離生幽渚微芳不足宣被蒙風雨會移君華池邊

君文

選樂府詩集並作居誤

發藻玉臺下垂影滄浪淵

淵樂府詩集作前誤文選作泉

則避唐諱也

沾潤既已渥結根與且堅四節逝不處

逝宋刻作遊誤



今從文選

繁華難久鮮

繁華宋刻作華  
繁誤今從文選

淑氣與時殞餘芳隨

風捐天道有遷易人理無常全男歡智傾愚女愛哀避

妍不惜微軀退但懼蒼蠅前願君廣末光照妾薄暮年

塘上行

陸雲為顧彥先贈婦往反四首

我在三川陽子居五湖陰山海一何曠譬彼飛與沈目  
想清惠姿耳存淑媚音獨寐多遠念寤言撫空襟彼美  
同懷子非爾誰為心

悠悠君行邁  
煢煢妾獨止  
山河安可踰  
永路隔萬里

隔路

宋刻作隔路  
今從文選

京師多妖冶  
祭祭都人子  
雅步媚纖腰  
巧

笑發皓齒佳麗良可羨

義門讀書記羨作美蓋刊本之誤

哀賤安足紀

遠蒙眷顧言銜恩非望始

翩翩飛蓬征郁郁寒木榮  
遊止固殊性浮沈豈一情  
隆愛結在昔信誓貫三靈  
秉心金石固豈從時俗傾  
美目逝不顧纖腰徒盈盈  
何用結中欵仰指北辰星

浮海難為水遊林難為觀  
容色貴及時朝華忌日晏  
西

城擅雅舞總章饒清彈鳴簧發丹唇朱絃繞素腕輕裾  
猶電揮雙袂如霞散霞文選作霧誤華容溢藻幄哀響入雲漢  
知音世所稀非君孰能讚棄置北辰星問此元龍煥時  
暮無復言華落理必賤

張協雜詩一首

秋夜涼風起清氣蕩暄濁蜻蛚吟堦下飛蛾拂明燭君  
子從遠役佳人守螢獨離居幾何時鑽燧忽改木房櫳  
無行迹庭草萋已綠青苔依空牆蜘蛛網四屋感物多

所懷沉憂結心曲

楊方合歡詩五首

馮氏詩紀別後三首為雜詩註其下曰樂府通前為合歡詩今

從玉臺案馮氏所據乃是明刻其宋刻正作合歡詩五首與樂府詩集相同藝文類聚合歡部收此第五首題曰晉楊方合歡詩雖誤以為詠合歡花然可見當時此詩本題合歡乃有此誤也蓋此五首皆屬寓言前二首極寫篤摯之忱第三首乃入睽違之感第四首言見而不親第五首言求之不得詞雖不屬意實相承明人以前二首語相酬答遂誤以比為賦而析後三首題曰雜詩輕改舊文殊失古人之意今仍從宋刻

虎嘯谷風起龍躍景雲浮同聲好相應同氣好相求我

情與子親譬如影追軀食共並根穗飲共連理杯衣用

雙絲絹寢共無縫綢

綢宋刻作綢誤今從樂府詩集

居願接膝坐行願

攜手趨

趨吳氏註本作趨蓋不知古音而以今韻臆改

子靜我不動子遊我不

留齊彼同心鳥譬此比目魚情至斷金石膠漆未為牢

但願長無別合形作一軀生為併身物死為同棺灰

詩中

杯字灰字皆於韻不諧或疑其誤案古音虞尤相近漢樂府隴西行曰卻畧再拜跪然後持一杯談笑未及竟左顧勅中厨陳琳柳賦曰有孤子之細柳獨么枿而標殊隨枯木於爨側將並置於土灰則是杯字灰字本與虞部相諧故與尤部同押蓋

漢晉間有此音非訛字也

秦氏自言至我情不可儔

磁石招長鍼陽燧下炎烟宮商聲相和心同自相親我  
情與子合亦如影退身寢共織成被絮用同功緜暑搖  
比翼扇寒坐並肩羶並宋刻作併誤今從樂府詩集子笑我必哂子感  
我無歡來與子共迹去與子同塵齊彼蛩蛩獸舉動不  
相捐惟願長無別合形作一身生有同室好死成並棺  
民徐氏自言至我情不可陳

獨坐空室中愁有數千端悲響答愁歎哀涕應苦言彷徨  
四顧望白日入西山不睹佳人來但見飛鳥還飛鳥

亦何樂夕宿自作羣

飛黃銜長轡翼翼回輕輪俯涉綠水澗仰過九層山修  
途曲且險秋草生兩邊黃華如沓金白華如散銀青數

羅翠彩絳葩象赤雲爰有冰露枝紫榮合素芬

合擬作含扶

疎垂青藻

疎垂樂府詩集作路重誤

布翹芳且鮮目為艷彩迴心為

奇色旋撫心悼孤客俯仰還自憐峙嶠向壁歎攬筆作  
此文

南隣有奇樹承春挺素華豐翹被長條綠葉蔽朱柯因

風吐微音芳氣入紫霞我心羨此木願徙著余家

余家樂府

詩集作

子家誤夕得遊其下朝得弄其葩爾根深且堅

堅藝文類聚作

固余宅淺且滂移植良無期嘆息將如何

歡樂府詩集作欲誤

### 王鑒七夕觀織女一首

牽牛悲殊館織女悼離家一稔期一宵此期良可嘉赫奕元門開飛閣鬱嵯峨隱隱驅千乘闐闐越星河六龍奮瑤轡文螭負瓊車火丹秉瑰燭素女執瓊華絳旗若吐電朱蓋如振霞雲韶何嘈噉靈鼓鳴相和停軒紆高



八二二八  
三  
眇

停宋刻作亭誤  
吳氏註本作佇誤

紆

卷三  
眷予在岷峨澤因芳露霑恩附

蘭風加明發相從遊翩翩鸞鷖羅同遊不同觀

觀字疑  
散字之

誤  
念子憂怨多敬因三祝末

此句  
未詳

以爾屬皇城

### 李充嘲友人一首

同好齊歡愛纏繇一何深子既識我情我亦知子心燕  
婉歷年歲和樂如瑟琴良辰不我俱中濶似商參爾隔  
北山陽我分南川陰嘉會罔克從積思安可任目想妍  
麗姿耳存清媚音修晝興永念遙夜獨悲吟逝將尋行

役言別涕霑襟願爾降玉趾一顧重千金

曹毗夜聽擣衣一首

寒興御紈素佳人理衣衾

理衣衾藝文類聚作治衣襟

冬夜清且永

皎月照堂陰

皎藝文類聚作皓

纖手疊輕素朗杵叩鳴砧清風

流繁節回飈灑微吟嗟此往運速

往藝文類聚作嘉

悼彼幽滯

心二物感余懷豈但聲與音

陶潛效古一首

日暮天無雲春風扇微和佳人美清夜達曙酣且歌歌

竟長太息持此感人多  
明明雲間月灼灼葉中花  
豈無一時好不久當如何

荀昶樂府二首

朝發邯鄲邑暮宿井陘間  
井陘一何狹車馬不得旋  
邂逅相逢值崎嶇交一言  
一言不容多伏軾問君家  
君家

誠易知易知復易博

上二易字宋刻並作難誤今從樂府詩集博者尋覓之意釋寶月

估客樂曰五兩如竹林何處相尋博蓋六朝有此方言或疑為誤字非也  
南面平原居北趨

相如閣飛樓臨名都

名宋刻作夕誤今從樂府詩集  
通門枕華郭入門

無所見但見雙棲鶴棲鶴數十雙鴛鴦羣相追大兄珥

金璫

璫宋刻作鐙誤今從樂府詩集

中兄纓珠綫

纓珠綫宋刻作振纓綫今從樂府詩集注

伏臘一來歸

一宋刻作二誤今從樂府詩集

隣里生光輝小弟無所作

作樂府詩集作為

鬪雞東陌達大婦織紉綺中婦縫羅衣小婦

無所作挾瑟弄音徽丈人且却坐梁塵將欲飛

### 擬相逢狹路間

熒熒山上火迢迢隔隴左不可至精爽通寤寐寤寐寐衾裯同忽覺在他邦他邦各異邑相逐不相及迷墟

在望烟木落知冰堅升朝各自進誰肯相攀牽客從北

方來貽我端弋綈命僕開弋綈中有隱起珪

隱起珪三字未詳

長跪讀隱珪詞苦聲亦悽上言各努力下言長相懷

擬青青河邊草

王微雜詩二首

桑妾獨何懷傾筐未盈把自言悲苦多排卻不肯捨妾  
悲叵陳訴填憂不銷冶寒鴈歸所從半途失憑假壯情  
抃驅馳猛氣捍朝社常懷雪漢恥常欲復周雅重名好

銘勒輕軀願圖寫萬里度沙漠懸師蹈朔野傳聞兵失利不見來歸者奚處理旂麾何處喪車馬拊心悼恭人零淚覆面下徒謂久別離不見長孤寡寂寂掩高門寥寥空廣廈待君竟不歸收顏今就殯

思婦臨高臺長想憑華軒弄絃不成曲哀歌送苦言

送苦

宋刻作苦送  
誤今從文選

箕帚留江介良人處鴈門詎憶無衣苦但

知狐白溫日暗牛羊下野雀滿空園孟冬寒風起東壁

正中昏抱景自愁怨朱火獨照人

此句宋刻在抱景句  
上案怨字本有平音

於韻未為不諧然先言朱火獨照而後言抱景愁怨其  
文較直先言抱景愁怨而後言朱火獨照其味較深故  
從文  
選 誰知心曲亂所思不可論

謝惠連七月七日夜詠牛女

宋刻脫夜字案詩語實屬夜作今從文選

落日隱櫺楹升月照房櫳

房太平御覽作簾

團團滿葉露析析

振條風蹀足循廣除

除宋刻作塗誤今從文選

瞬目矚層穹雲漢有

靈匹

此句太平御覽作栩栩恒蝶夢以文義推之殊誤

彌年闕相從

彌太平御覽作終

遐川阻暱愛修渚曠清容弄杼不成彩

彩太平御覽作蕤

聳轡

驚前蹤

驚宋刻作驚誤今從文選

昔離秋已兩今聚夕無雙傾河易

回幹

幹太平御覽作幹誤

歎顏難久悵

歎顏太平御覽作凝情

沃若靈駕旋

寂寥雲幄空

寥太平御覽作寥

留情顧華寢遙心逐奔龍沈吟

為爾感情深意彌重

藝文類聚初學記太平御覽皆無末二句語意殊不完蓋類書節本

不足為據

### 擣衣

衡紀無淹度晷運倏如催白露滋園菊秋風落庭槐肅

肅莎難羽

莎宋刻作沙誤今從文選

冽冽寒蜚啼

冽列宋刻作烈烈案魏文帝詩有冽

冽寒蟬吟句故從藝文類聚

夕陰結空幕宵月皓中閨美人戒裳服



端飾相招携

宋刻棠作常飾作飭並誤今從文選

簪玉出北房鳴金步南

階欄高砧響發楹長杵聲哀微芳起兩袖

起藝文類聚作發

輕

汗染雙題紈素既已成君子行未歸裁用筭中刀縫為  
萬里衣盈筐自余手幽絨俟君開腰帶準疇昔不知今  
是非

代古

客從遠方來贈我鵠文綾貯以相思篋絨以同心繩裁  
為親身服著以俱寢興別來經年歲歡心不可凌瀉酒

置井中誰能辨斗升合如杯中水誰能判淄澠

劉鑠雜詩五首

眇眇凌長道

長宗刻作羨誤今從文選

搖搖行遠之

搖搖宋刻作遙選李善本

亦作遙遙註引左傳遠哉遙遙惟五臣本作搖搖呂向註曰搖搖心不安貌案既曰長道又曰遠之再曰搖搖未免太複不必以左傳為例也故改從五臣本

回車背京里揮手於此辭堂上

流塵生庭中綠草滋寒蜚翔水曲秋兔依山基芳年有  
華月佳人無還期日夕涼風起對酒長相思悲發江南  
調憂委子衿詩卧看明燈晦坐見輕紈縑淚容曠不飾

飾宋刻  
作飭

幽鏡難復治願垂薄暮景照妾桑榆時

代行行重行行

落宿半搖城浮雲靄層闕玉宇來清風羅帳延秋月結  
思想伊人沈憂懷明發誰謂行客遊屢見流芳歇河廣  
川無梁山高路難越

代明月何皎皎

白露秋風始秋風明月月初明月照高樓白露皎元除迨  
及涼雲起行見寒林疎客從遠方至贈我千里書先啟

懷舊愛未陳久離居一章意不盡三復情有餘願遂平生眷無使甘言虛

代孟冬寒氣至

淒淒含露臺肅肅迎風館思女御櫺軒哀心徹雲漢端撫悲絃泣獨對明鐙嘆良人久遙役耿介終昏旦楚楚

秋水歌

吳顯令註曰秋疑作狄按孔子狄水之歌未聞被之絃管且尤於閨情無與作狄非是疑為綠

水之訛淮南子曰手會綠水之趣高誘註綠水古詩也琴操蔡邕五弄亦有綠水一曲

依依采菱

彈

代青青河畔草

秋動清風扇

風宋刻作氛案氛不可言清亦不可言扇今從藝文類聚

火移炎氣歇

廣欄含夜陰高軒通夕月安步巡芳林傾望極雲闕組

幕縈漢陳龍駕凌霄發誰云長河遙頗劇促筵越

馮氏詩紀

此句作頗覺促筵悅案此句言長河雖遙倏忽可渡更捷於促筵之時越席相接雖措語稍澁非竟不可訓釋馮氏因其難解而以意改之於古無據今仍從宋刻又初學記藝文類聚皆載此詩而皆無此二句案上二句言渡河下二句言晚別無此二句似非情事當是類書刪本輾轉相承謝惠連七夕詩兩書亦皆無末二句其明證也

沈情未申寫飛光已飄忽來對眇難期今歡自茲

没

詠牛女

玉臺新詠考異卷三